

Lög Samtaka innviðaverktaka Stofnuð 7. desember 1953

1. gr.

Nafn félagsins er Samtök innviðaverktaka, skammstafað SIV. Heimili þess og varnarþing er í Reykjavík. Félagið er aðili að Samtökum iðnaðarins og Samtökum atvinnulífsins.

2. gr.

Hlutverk og sýn félagsins

Samtök innviðaverktaka stuðla að bættu starfsumhverfi innviðaverktaka, eru sterkur málsvari félagsmanna, styrkja ímynd greinarinnar og tryggja öflugt alþjóðlegt samstarf við systursamtök.

Skilvirkt, hagkvæmt og stöðugt starfsumhverfi innviðaverktaka gerir þeim kleift að mæta innviðauppbýggingu samfélagsins á hverjum tíma á heilbrigðum útboðs- og verktakamarkaði.

3. gr.

Félagsaðild

Félagar geta orðið einstaklingar eða félög sem hafa rekstur vinnuvéla að einhverju eða öllu leyti að atvinnu sinni.

4. gr.

Inntaka

Umsókn um inngöngu í félagið skal send skriflega til framkvæmdastjóra eða formanns félagsins. Formaður skal bera inngöngubeiðni undir stjórn á næsta stjórnarfundum þar sem ákveðið verður hvort umsækjanda skuli veitt innganga í félagið.

5. gr.

Úrsögn / brottvikning

Heimilt er að segja sig úr félaginu með skriflegri tilkynningu með sex mánaða fyrirvara. Þó má hvorki segja sig úr félaginu né fara úr því, meðan vinnudeila, sem snertir félagið, stendur.

Stjórn félagsins getur ákveðið brottvikningu úr félaginu vegna vangreiðslu félagsgjalda eða annarra brota á lögum félagsins. Brottvikningu skal ávallt bera undir næsta félags- eða aðalfund, og skal hún talin fullgild, ef 2/3 hlutar fundarmanna samþykkja hana. Við brottvikningu glatar félagsmaður þeim réttindum, sem honum eru tryggð samkvæmt félagslögum.

Úrsögn eða brottvikning leysir félagsmann ekki frá greiðslum árgjalda eða annarra skuldbindinga við félagið, fyrir þann tíma, sem hann var fullgildur félagi. Heimilt er að innheimta vangoldin gjöld til félagsins með málssókn, ef þörf krefur.

7. gr.

Félagsfundir

Lögmætir félagsfundir hafa æðsta vald milli aðalfunda í öllum málum félagsins, innan þeirra takmarka, sem löggin setja.

Einfaldur meirihluti ræður úrslitum í þeim málum, sem til umræðu eru á félagsfundum.

Félagsfundir skulu haldnir, þegar stjórnin telur þess þörf og til þeirra boðað skriflega með minnst viku fyrirvara og telst löglegur, hafi löglega verið til hans boðað. Heimilt er að boða til fundar með styttri fyrirvara en viku og án skriflegs fundarboðs, sé það nauðsynlegt að álitu

stjórnarinnar. Fundur, sem þannig er boðað til, er því aðeins lögmætur að mættur sé a.m.k. fimmtungur félagsmanna og þar af séu minnst þrír úr stjórn félagsins.

Kröfu um félagsfund skal senda formanni og skal þar jafnframt getið þeirra mála, sem óskað er að ræða. Slík krafa skal vera undirrituð af minnst 1/5 félagsmanna. Formanni ber að boða fundinn innan viku frá því að krafan barst honum.

8. gr.

Aðalfundur

Aðalfundur skal haldinn ár hvert og eigi síðar en í aprílmánuði. Skal til hans boðað með sannanlegum hætti með minnst tveggja vikna fyrirvara.

Dagskrá aðalfundar skal að lágmarki vera:

1. Skýrsla stjórnar frá liðnu starfsári
2. Ársreikningur liðins almanaksárs til yfirferðar
3. Ákveðin árgjöld fyrir næsta ár
4. Kosning til formanns, varaformanns og stjórnar
5. Kosning skoðunarmanns reikninga
6. Kosning í starfsnefndir félagsins ef við á
7. Lagabreytingar
8. Önnur mál samkvæmt fundarboði

9. gr.

Árgjald

Aðalfundur ákveður félagsgjöld. Allir félagsmenn greiða sama félagsgjaldið og hafa jöfn atkvæði.

10. gr.

Skipan og starfshættir stjórnar

Stjórn félagsins skipa 5 til 8 aðilar: formaður, varaformaður og 3-6 meðstjórnendur.

Stjórnarmenn skulu rækja starf sitt af alúð og sækja reglubundna stjórnarfundi félagsins nema lögmæt forföll séu fyrir hendi.

11. gr.

Heiðursfélagar

Heiðursfélagi getur félagið valið sér, ef ástæða þykir til. Þurfa þeir ekki að taka að sér störf í þágu félagsins, fremur en þeir óska, en hafa öll réttindi sem aðrir félagsmenn.

12. gr.

Lög félagsins

Lögum félagsins má ekki breyta nema á aðalfundi, sem boðaður hefur verið með minnst tveggja vikna fyrirvara. Séu greidd $\frac{3}{4}$ atkvæða með lagabreytingunni, þá er hún lög, hvort sem margir eða fáir hafa sótt fundinn. Tillögur að lagabreytingum skulu sendar með fundarboði.

13. grein

Nú þykir ráðlegt eða nauðsynlegt að leysa upp félagið og fer þá um tillögur þar að lútandi sem um lagabreytingar. Fundur sá, er samþykkir á lögmætan hátt að slíta félaginu, kveður og á um hvernig ráðstafa skuli eignum þess og greiðslu skulda.

Lög þessi voru samþykkt á stofnfundi félagsins, sem haldinn var í Reykjavík 7. desember 1953 en breytt: 18. nóvember 1972, 29. maí 1976, 25. apríl 1992, 1. apríl 2006, 7. október 2020, 16. mars 2023 og 31. maí 2024.